



**R.P. Leonardii Lessii E Societate Iesu Theologi. In D.  
Thomam De Beatitudine. De Actibus Hvmanis. De  
Incarnatione Verbi. De Sacramentis Et Censvris.  
Prælectiones Theologicæ Posthvmæ**

**Lessius, Leonardus**

**Lovanii, 1645**

Art. 4. Vtrum quantitas dimensiua corporis Christi sit in hoc sacramento.

---

[urn:nbn:de:hbz:466:1-72898](#)

116 Qu.76. De modo quo Christus est in hoc Sacramento. A. 3.4.

Probatur Primo, Quia Christi Corpus in singulis partibus existit indivisibiliter, sicut Angelus in corpore assumpto, & anima in corpore humano: atque haec existunt tota in singulis punctis: ergo etiam Corpus Christi.

Secundo, Quia Corpus Christi habet presentiam continuam per totas species intimè diffusam: ergo singulis punctis specierum respondet intimè aliquid presentiae Christi: ac proinde totum Corpus Christi: nam ubi est aliquid eius, ibi est totum; cum sit modo indivisibili.

Dices, Sub puncto specierum non erat substantia panis, cum haec necessario sit extensa; sed solum punctum substantiae, qui est modus substantialis: ergo ibi non est Corpus Christi.

Respondeo Negando Consequentiam: Hinc enim solum sequitur, Corpus Christi non esse sub singulis punctis præcisè ex vi conuersionis, & presentia adæquatè; non tamen sequitur, quin possit ibi esse ratione modi indivisibiliter existendi, & inadæquatè. Nam quidquid existit indivisibiliter, hoc ipso quo continuè existit sub aliquo toto, necessario est, ut non solum sub omnibus partibus, sed etiam sub omnibus punctis existat. Hæc tamen existentia non est adæquata; quia non potest existere sub solo punto; sicut nec anima potest existere in solo brachio, quamvis ibi sit tota: quod sit, ut nec punctum, nec superficies hostia possit seorsim consecrari, quamvis singula particula possint.

Hinc patet, Aliter esse sub punctis, aliter sub partibus. Nā sub singulis partibus est directè ex vi conuersio: omnis enim particula panis, est panis; ac proinde conuertitur in totum Corpus Christi. Deinde est ibi adæquatè: nam sub singulis potest seorsim conservari, sub quibus substantia panis conseruari poterat. Sub punctis autem solum est concomitanter, nempe propter modum existendi indivisibiliter & continuè per totas species.

ARTICVLVS IV.

Vtrum quantitas dimensua Corporis Christi sit in hoc Sacramento?

Sunt tres sententiae. Prima est Durandi diff. 10. quest. 2. qui, cum distinguat quantitatem realiter à re quantâ, putat esse probabile, Corpus Christi esse in Eucharistia sine suâ quantitate, ceterisque accidentibus quantitatem comitantibus; ut colore, figura, &c.

Ratio ipsius est, Quia Corpus Christi est in Sacramento, non per modum quantitatis, sed per modum substantiae: atqui substantia ex se non requirit quantitatem; quin potius per eam impeditur, ne sub alia quantitate possit existere: nam una quantitas excludit alteram. Addit ramen; licet Corpus illud careat quantitate in Sacramento; non tamen carere reali inherentiâ quantitatis, quæ est in celo.

Altera est Guil. Occam in 4. q. 4. & in Tractatu de hoc Sacramento cap. 29. & Gabrielis in Canonem lectione 43. qui docent quantitatem non distingui re ipsa à re quâta; sed esse duntaxat illius quandam modum, scilicet extensionem in

spatio; qui modus etiam reperiatur in accidentibus. Vnde dicut in Sacramento Eucharistia esse totum Corpus Christi cum omnibus accidentibus, quæ sunt res quædam distinctæ; non tamen cum modis, qualis est quantitas. Quare ibi esse sine quantitate. Partes autem Corporis Christi se penetrare, sic tamen ut seruentur integra organa, cum suis dispositionibus necessarijs.

Tertia Sententia est communior Doctorum, in 3. Com. Eucharistiâ esse totam quantitatem Corporis Christi. Ita D. Tho. h. c. Scotus diff. 10. q. 1. Bonaventura, Richardus, Paludanus diff. 10. vel 13.

Dico Primo, Si quantitas accipiatur pro actua- 15 li extensione Corporis Christi, vel accidentium Christi hic non haber actualem extensionem, sicut videntur accipere Gabriel & Occam; sic haud dubie quantitas dimensua Corporis Christi non est in hoc Sacramento. Patet, quia Corpus Christi est huc modo indivisibili, non extenso, ut dictum est: ergo ille modus extensionis, quem habet in celo, non est huc.

Notandum tamen, hanc actualem extensionem Quid pro impropriè dici quantitatem; nam infinitis modis variari potest manente eadem quantitate; ut patet, cum quis ceram nunc in longum protrahit, nunc in planum, nunc in rotundum format. Quantitas enim propriè, vel est accidentis aliquod reæliter distinctum à re quantâ, illam intrinsecè ita disponens, ut postulet naturaliter habere partem extra partem: vel certè, est ipsa rei entitas, ut apta extendi, sic ut naturaliter extensionem postulet.

Dico Secundo, Certum est totam magnitudinem, seu molem Corporis Christi esse in Eucharistiâ; sed modo indivisibili, sic ut Sacramentalibus speciebus non coëxtendatur; sed tota si sub singulis partibus earum, sive hæc moles sit quid distinctum à re quantâ, sive non.

Probatur Primo, Quia Concilium Trident. sess. 13. cap. 3. & can. 2. docet sub speciebus panis non solum esse Corpus Christi, sed etiam Sanguinem, Animam, & Diuinitatem, idque, propter naturalem concomitantiam seu unionem cum corpore: ergo cum similiiter quantitas molis naturalis habeat unione cum Corpore Christi, (nam vel est ipsum corpus, vel accidentis eius inseparabile) necessario debet ibi esse. Secundo, Corpus Christi in Sacramento nunc est viiens & animatus: ergo suis organis, & necessarijs dispositionibus distinctum; quæ distinctio, & dispositio sine quantitate esse nequit. Sed maxima difficultas est, ut hoc mente concipiatur. Vnde

Dico Tertiò, Molem Corporis Christi existe- 17 re in puncto, non per condensationem, neque propriè per penetrationem partium mutuam, sed per totas in hoc, quod omnes partes, diuinâ virtute, quasi confluant in punctum, sine penetratione, aut condensatione, sed altiori modo.

Ac primum, quod condensatio huc locum non habet: Pater, quia postulat extensionem. Condensatio enim est, dum multum materiæ est sub uno extensione exigua. Deinde, condensatio mutaret partes Corporis Christi contra naturam. Nam crebrum, v.g. fieret multò densius, quam patiatur naturalis dispositio: similiiter ceteræ partes, ut pulmo, &c.

Pari ratione nec penetratio huc locum habet: Nec per Tum quia non potest esse sine extensione partiū, quæ nullo modo huc admitti potest, ut supra ostensum est: Tum quia una replicatio penetra- ret alias

13  
Christus  
aliter sub  
punctis,  
aliter sub  
partibus  
continetur.

14  
1. Opinio  
Durandi.

2. Opinio  
Occami.

Qu. 76. De modo quo Christus est in hoc Sacramento. A. 4. D. I. 117

Sed modo quodam sublimi, qui explicatur similitudine.

ret alias infinitas in eadem parte hostie; nam in singulis particulis hostiae necesse est totum Corpus Christi reperiri. Tum denique, quia concipi potest aliis modis magis spiritualis, & dignus tanto mysterio: qui explicatur hac similitudine. Sicut anima rationalis, etsi indivisibiliter existat; tamen configurat se corpori humano per totum diffusa, & etiam in extremitatibus existens: tamen separata confluit in punctum, retinens eandem configurationem, veluti in radice. Ita diuinæ virtute corpus humanum potest, voluti confluere, & se contrahere in punctum, manente tota mole, seu quantitate, & partium distinctione. Simile esset, si lux penetrans corpus humanum, eiusque figuram contrahens, per se existens conservaretur: posset enim contrahi, & confluere in punctum, & rursus in eandem figuram explicari. Et confirmatur; qui nihil est in corpore humano, quod diuinæ potentie ad hoc repugnat; vt patet ex solutione argumentorum.

Contra Obiectum hæretici. Primo, Ex Diuo

Objectio-  
nes hæreti-  
corum sol-  
vuntur.

Augustino epist. 57. ad Dardanum: Spatia locorum tolle corporibus, & nusquam erunt; & quia nusquam erunt, non erunt.

Respondeo: Loquitur Augustinus de corporibus, vt naturaliter existunt; alioquin manifestè esset falsum: certum enim est, extra mundum non esse locorum spatia, & tamen Deus posset ibi corpora pônere, & conservare.

Obiectum Secundo, De essentiâ quantitatis est esse extensem, & habere partem extra partem, & partem distare à parte: ergo si in hoc puncto hostia est caput Christi v. g. non sunt ibidem pedes; ac proinde non tota eius quantitas est sub quavis particula.

Respondeo: Non esse de ratione quantitatis, vt actu extensa sit, aut actu partem extra partem habeat, sicut nec de essentiâ accidentis est, vt actu sit inherens, vel substantia, vt actu per se sit existens; vt patet in humanitate Christi. Sed sicut solùm aptitudo ad inherendum, vel per se existendum, est de essentiâ ipsorum; ita quoque de essentiâ quantitatis solùm est, vt habeat partes distinctas, & continuatas, que naturaliter aptas sint & postulent esse extra se inuicem, & extensem. Non igitur in actuali extensione ratio quantitatis consistit, sed in potentiali. Potest itaque Deus aetatem extensionem tollere, tanquam accidentiarum proprietatem quantitatis, seruatâ integrâ quantitatis essentia, sicut potest ab eadem quantitate impenetrabilitatem tollere, & efficeret vt instar spiritus possit penetrari & penetrare: & ab accidente inherentiâ aetate, & à substantia, substantiam, seu modum subsistendi per se: quam extensioni actualis quantitati. Quod etiam confirmationi potest ex Scriptura Matth. 19. vbi Dominus ait: Deo possibile esse, vt camelus transeat per faram acutum; vt passim docent Patres in hunc locum, tunc Origenes, Hilarius, Hieronymus, & Chrysostomus. Et D. Augustinus lib. 2. questionum Eunagelistarum q. 47. & lib. de Spiritu & littera cap. 1. hinc aperte dicit, id esse facilius, quam vt diues retinens diuitias, intret in regnum celorum: quod etsi naturæ viribus sit impossibile, tamen quotidie per gratiam Dei fieri videmus.

Potest igitur virtute diuina tota quantitas Corporis Christi in punctum colligi; ita vt pedes

& caput in eodem punto sint. Recte tamen dicuntur pedes esse extra caput; quia etsi simul sint in puncto, no tamen propriè se inuicem penetrant; nec sunt sibi immediata; nam medium corpus interuenit. Dices, saltē nulla est distantia inter partes, si simul sint. Respondeo, Non est localis distans; est tamen quædam distantia inter eas, inter se dist. quam vocant quantitatuum; quæ consistit in hoc, quod partes inter se ordinem habeant, ita vt prima continetur secunda, & secunda tertia, & tertia quartæ; & sic deinceps: caput enim continuatur collo, non pedibus; collum pectori, & sic deinceps absque illâ confusione. Vnde cum inter caput & pedes tota moles media intercedat, dicuntur distare quantitatue, seu distantia intrinseca.

Obiectum Tertio, Saltem Corpus Christi non habet in Eucharistia suam naturalem figuram, quia hec intrinsecè requirit extensionem partium. Figura enim nascitur intrinsecè ex diuerso partium situ.

Respondeo, Non habet figuram illam situale, sed habet organicam, id est, eam, quæ nascitur ex organica. intrinseca partium compositione: quæque enim pars organica habet suam intrinsecam mollem, partium ex quibus componitur continuationem, dimensionem, mensuram, & unione cum aliâ parte sibi conueniente. Quod explicari potest, Primo; Exemplo cochlear, quæ aliam habet figuram situale, dum expansa progreditur; aliam dum se contrahit in globum, vel sphera; tamen retinet eandem organicam figuram: partes enim singulae recinent suam intrinsecam structuram. Secundo, Exemplo corporis humani; si fingamus illuc habere diuinus eam vim, vt instar spiritus possit se in punctu contrahere, manente intrinsecâ cuiusque partis structurâ, continuatione, & distinctione.

Obiectum Quartò, Maius non potest contineri sub minore: ergo &c. Respondeo; Id quod in se maius est, potest esse sub minore, si accipiat aliud modum existendi; sicut, si per penetrationem exteriora introrsum cedant. Adiuerte tamen Corpus Christi, vt est in Eucharistiâ, non esse propriè maius, vel minus quantitate hostia; quia eius quantitas, vt est ibi, non est ullo modo quantitati hostie commensurabilis: nam est ibi per modum rei spiritualis.

Obiectum Quinto, & ultimo, Res spiritualis non potest existere in corpore diuisibiliter: ergo res corporalis non potest existere indivisibiliter.

Respondeo Negando Consequentiam: Spiritus enim non potest esse in corpore diuisibiliter, quia in se est indivisibilis; ac proinde non potest per corpus diffundi secundum partes, cum nullas inse habeat. Corpus autem potest esse indivisibiliter, quia etsi in se sit diuisibile, tanquam partes eius possunt contrahi in punctum.

D V B I V M I.

Virtum quantitas & cetera accidentia sint in Eucharistiâ concomitantia?

Respondeo & Dico Primo, Si quantitas est re distincta à re quantâ, est in Eucharistiâ concomitans. Ita D. Thomas hic, & passim Doctores dicit. Ratio est, quia transubstantiatio, quæ sit virtute verborum, non terminatur ad quantita-

Corpus  
Christi, vt  
hinc, nec  
maius nec  
minus est  
quantitate  
hostia.

22  
Quantitas,

118 Q. 76. De modo quo Christ. est in hoc Sacram. A. 4. D. 2. A. 5. D. 1. 2.

quantitatem; sed ad solam substantiam Corporis Christi: ergo quantitas, & alia accidentia, non sunt hic ex vi verborum: ergo per concomitantiam. Confirmatur, Quia veritas verborum non postulat, nisi ut hic sit substantia Corporis Christi, constans omnibus, nervis, carne, &c. Atque substantia corporis humani non includit in suo conceptu accidentia, sed formas substancialia quibus unumquodque organum constituitur: quoniam, ut conuenienter naturae sue existat, accidentia requirantur.

Dixi, si quantitas est res distincta à substantia: nā, si non distinguitur, est hic ex vi verborum, sicut & ipsa corporis substantia.

<sup>23</sup>  
Accidentia  
corporis  
absoluta  
à loco.

Dico Secundū, Omnia etiam accidentia corporea, quae Corpori Christi per se conueniunt sine ordine ad locum, sunt etiam in Eucharistiā, & quidem concomitanter. Ita D. Thomas hic & communis sententia Doctorum. Et colligitur ex Concilio Trident. fess. 13. cap. 3. Ratio est; quia hec omnia sunt extra substantiam Corporis Christi: ergo non sunt hic ex vi verborum. Necesaria tamen connexionem habent cum illo corpore, ita ut corpus sine illis non sit perfectum, nec tamen à loco dependent: ergo debent ibi esse concomitanter. Itaque hic est claritas illius corporis, & im- patibilitas, & subtilitas, & agilitas, & alias qualitates naturales & supernaturales. Figura tamen situalis, & extensio non est hic, quia pendent ex commensurazione ad locum.

<sup>24</sup>  
Accidentia  
Animæ  
Christi  
perpetua.

Dico Tertiū, Omnes quoque Animæ qualitates naturales & supernaturales, omnesque eius perpetue functiones sunt in Eucharistiā, & quidem concomitanter; v. g. lumen gloriae, visio beatifica, charitas, & cetera illius Animæ beatissime dona. Ratio est; quia haec omnia necessaria habent connexionem cum illa anima; & anima cum corpore: ergo & illa cum corpore habent necessariā connexionem.

<sup>25</sup>  
Accidentia  
facile  
mobilia.

De Accidentibus autem corporis, vel animæ quæ facile mutantur; vt sunt cogitationes volubiles, & volitiones, operationesque sensuum, probabile est; non esse in Eucharistiā: quia nullā stabilem connexionem habent cum anima vel corpore, neque sunt necessaria ad eius perfectionem. Confirmatur; Quia aliqui fatendum erit assiduū in Eucharistiā fieri eas mutationes, quæ sunt in corpore, vel anima Christi extra Sacramentum in celo; quod non est credibile. Probabile tamen valde est, si quis Apostolorum in triduo mortis confecisset Eucharistiam, eamque feruisset usque ad resurrectionem, Corpus Christi sub speciebus recepturum fuisse animam, & reliquias perfectiones naturales, & supernaturales, quas extra accipiebat. Ratio est; quia non conueniebat ut corpus illud in Eucharistiā maneret mortuum, & imperfictum, quando in statu naturali viuens & perfectum erat.

In triduo  
mortis.

D V B I V M I I.

Quomodo intelligendum sit, quod ait D. Thomas Quantitatem Corporis Christi existere sub singulis partibus hostia, et quid sit ibi concomitanter?

<sup>26</sup>  
R. Espondeo, Omissa explicatione Caietani,

qua bene refutatur à Scoto dist. 10. q. 1.

Sensum D. Thomæ esse, quantitatem ibi esse, non propter seipsum; sed propter substantiam Corporis Christi, quam afficit: unde oportere, ut accommodetur ipsi corpori, & tale modum existendi habeat, qualem habet corpus: quare, cum corporis substantia corporis existat indivisibiliter, oportere ut etiam quantitas similiter existat.

A R T I C U L V S V.

Utrum Corpus Christi sit in hoc Sacramento, sicut in loco?

R. Espoedetur Negatiū. Ratio est, Quia Corpus Christi est sub speciebus, sicut substantia sub accidentibus, excepta informatione: atque substantia non est sub accidentibus, tanquam in loco. Vide D. Thomam.

D V B I V M I.

An saltem respectu spatiū sit velut in loco? Spatiū enim manet immobile dum transferitur Corpus Christi, sicut locus manet immobile dum transferitur locatum.

R. Espondeo; Corpus Christi verè & propriè est in hoc spatio, in quo sunt species, eo modo, quo res spirituales sunt in loco; sicut Angelus est in spatio corporis assumpti, & anima rationalis in spatiō corporis humani. Colligitur ex Concilio Trident. fess. 13. cap. 1.

Probatur; Quia ut aliquid dicatur esse propriè hic, vel ibi, non est necesse, ut loco coextendatur per partes, sicut corpora; sed potest esse totum in singulis loci partibus, & punctis; qui modus existendi hic, vel ibi, est perfectior, quam corporum, quia totam rem colligit, in omnia puncta spatiū. Et hoc modo Christi Corpus in Sacramento existens est in loco, adeò ut speciebus detraictis possit diuinus conseruari in eadem designatione ubi erat ante, non minus, quam Angelus, quando corpus assumptum evanuit, potest permanere in eodem loco.

D V B I V M I I.

Utrum sit hic Circumscripsiō, an Definitiū?

R. Espondeo, Propriè neutro modo; ut docet D. Thomas; sed nouo modo, qui est sine exemplo. Non Circumscripsiō: quia per partes non modo, qui coextendit spatio, nec superficies ambiens ei configuratur. Non etiam Definitiū: quia non ita modo est hic, quin ex vi huius modi existendi possit simul esse alibi naturaliter sine nouo miraculo; ut patet diuisa hostia, & in diversa translatā. Id autem, quod Definitiū dicitur esse alicubi, ita debet ibi esse, ut naturaliter repugnet ei esse alibi, ex vi illius modi existendi.

A R T I C U L V S VI.

Utrum Christi Corpus sit mobiliter in hoc Sacramento?

R. Espondeo, & Dica Primo, Corpus Christi in hoc Sacramento verè & propriè transferatur; ac